

ა(ა)იპ - სოხუმის სახელმწიფო უნივერსიტეტი

სსიპ - ბათუმის ხელოვნების სასწავლო უნივერსიტეტი

## ურთიერთთანამშრომლობის მემორანდუმი

პრეამბულა

უმალესი განათლებისა და მეცნიერების სფეროში მიმდინარე რეფორმების ძირითადი პრინციპების, კვლევებისა და სწავლების ინტეგრირების, ერთობლივი შემოქმედებითი ღონისძიებების, აკადემიური პროგრამების ხარისხის ამაღლების და დაახლოების პრაქტიკული განხორციელების მიზნით აიპ - სოხუმის სახელმწიფო უნივერსიტეტი და სსიპ - ბათუმის ხელოვნების სასწავლო უნივერსიტეტი თანხმდებიან თანამშრომლობაზე შემოქმედებით, სამეცნიერო-კვლევით და სასწავლო-აკადემიურ საკითხებში.

ურთიერთთანამშრომლობა ხელს შეუწყობს:

- შემოქმედებითი, სამეცნიერო კვლევისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- ჰუმანიტარული და სოციალური მიმართულების სპეციალისტთა მიერ კონსულტაციების, მასტერკლასებისა და სხვა სასწავლო-შემოქმედებითი მუშაობის ჩატარებას;
- ცალკეულ მიმართულებებში ერთობლივი საგანმანათლებლო პროგრამების მომზადებასა და განხორციელებას.

## მუხლი 1

- 1.1. მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით.
- 1.2. თითოეული მხარის მატერიალურ-ტექნიკურ რესურს ურთიერთშეთანხმებით გამოიყენებენ უნივერსიტეტის პროფესორები, პედაგოგები და სამეცნიერო-კვლევით და სასწავლო-შემოქმედებით პროცესში ჩართული სტუდენტები.
- 1.3. მხარეები გაუწევენ ერთმანეთს კონსულტაციებს სტუდენტების მომზადებაში. განახორციელებენ ერთობლივ სასწავლო, სამეცნიერო და შემოქმედებით პროექტებს.
- 1.4. მხარეები ურთიერთშეთანხმებით მონაწილეობას მიიღებენ ჰუმანიტარული და სოციალური მიმართულების სამაგისტრო ნაშრომების ექსპერტიზაში.
- 1.5. საკუთარი კომპეტენციების ფარგლებში უზრუნველყოფენ პროფესორ-მასწავლებლებისა და თანამშრომლებისათვის სემინარების ჩატარებას ახალი საგანმანათლებლო პროგრამების მომზადების მეთოდის საკითხებზე.
- 1.6. განახორციელებენ ერთობლივ სამეცნიერო სემინარებს, კონფერენციებს, სიმპოზიუმებს, ფესტივალებს, საკონცერტო-სანახაობით წარმოდგენებს, გამოფენებს და სხვ.
- 1.7. უზრუნველყოფენ უნივერსიტეტების ბიბლიოთეკებით სარგებლობის ხელმისაწვდომობას.

## მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებულ ყველა პირობას.


## მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირები გადაეცემა მხარეებს.

აიპ - სოხუმის სახელმწიფო უნივერსიტეტის  
რექტორი, პროფესორი



სსიპ - ბათუმის ხელოვნების სასწავლო  
უნივერსიტეტის რექტორი, პროფესორი



აფაქიძე

ე. მესხია

20.02.2012 წელი